

Inatsisartut suleriaasianni § 37 imm. 1 naapertorlugu Naalackersuisunut apeqquq imaattoq matumuuna saqqummiuppara:

**Naalackersuisunut apeqquq:**

- 1. Naalackersuisut ullukkuq unnuakkullu paaqqinnittarfiit Naamminersor-nerusuniit pigineqartuni pillugit suliaasaq, tassalu sulisut atugarissaarnerat pillugit misissuinissat aallartinniarlugit atulersissallugit isumaliutiginninnerat sumummita killippat?**
- 2. Misissuinissat taamaattut APV-mik tunngaveqarluni inatsisikkullu aallaave-qarluni misissuinissanut tunngatinneqassappata (tassunngaluunniit atasumik), minnerpaamik ukiut pingasukkaarlugit ingerlanneqassappata, aningaasartuutigissamaakkaanut ilassutissat missiliunnarlugit qanormita annertutigissangatinneqarpata?**
- 3. Naalackersuisut Namminersornerusut suliffeqarfiutaani ullukkuq unnuakkullu paaqqinnittarfinni najugaqartut ilaqaatasullu atugarissaarnerannik misissuinissamik isumaliutiginninnerat sumummita killippat?**
- 4. Atugarissaarnissamik misissuinissanut aningaasartuutigissamaakkaat qanormita missiliorlugit annertussuseqassanngatippat, s.a. misissuinissat ukiut marluk allortarlugit ingerlanneqassasuupparata?**

(Inatsisartuni ilaasortaq, Laura Táunâjik, Siumut)

**Tunngavilersuutit:**

Namminersornerusut suliffeqarfiutaani ullukkuq unnuakkullu paaqqinnittarfiusuni sulisunut najugaqartunullu qanoq ililluta killissarititaasut pitsaasumik toqqissisimasumillu qulakkeersinnaavarput? Apeqquq taanna annertuumik eqqarsaatinniittuarsimavoq.

Ullukkuq unnuakkullu najugaqartut amerlanertigut sanngiitsuaraaput taamaammat atugarissaarnikkut killissarititaasut pitsaasumik toqqissisimasumillu aqqissuussimanissaat pisariaqartippaat. Paaqqin-niffinni pineqartuni tamakkununga akisussaatinneqartut pingaarnerpaamik tassaapput paaqqinniffiit pisortaat. Pisortaat suliffeqarfinni tamakkunani ataasiakkaani soorunami aamma sulisut atugaris-saarnissaannut tunngasutigut pingaarnerpaamik akisussaapput, kiisalu sulisut akunnerminni akaare-qatigiinnerannut tunngasut aamma isumagissallugit.

Inunnik Isumaginninnikkut, Ilaqutariinnut, Naligiissitaanermut Inatsiseqarnikkullu naalackersuisoqarfiup allaffeqarfia ulluklut unnuakkullu paaqqinniffiit nakkutigisassarivaat, equngasoqarpallu ingerlaannartumik akulerussinnaallutik departementip ajornartorsiutaasunut paasisaqlutik ilisimasaqaleriapata. Apeqqut uanniippoq, qanoq ililluta qulakkeersinnaaneripput ajornartorsiutaasut ilumut departementimut annguttassanersut, ajornartorsiutillu allivallaalersinnagit iliuuseqapallattoq-arnissaa qulakkeerniassagutsigu, siusittumik iliuuseqarnikkut ajornartorsiutit asuli allisaannaruma-nagit iliuuseqapallattoqarnissaa isumagissallugu.

Sulisunut ataasiakkaanut unamminarunaqaaq sassarniassaguni pissutsit atuuttut pillugit isornartorsiussappat, minnerunngitsumillu suliffeqarfiup aaqqisuulluakkamik ingerlasimangippat aammalu ajornartorsiut pisortamiippat suli ajornakusoornersalluni. Taamatuttaaq najugaqartunut ilaqutaa-sunullu aamma unamminarunaqaaq ajornartorsiutinik tikkuartuissallutik, sulisut toqqaannartumik isumalluutigeqisatik isornartorsiussallugit imaannaangitsorujussammat.

Tamatumani eqqarsaatigaara ilumut atugassarissaarnikkut misissuinissaq sulisunut najugaqartunullu immaqa sakkugissallugit tulluarlunilu naleqarluarsinnaasoq – tassami minnerunngitsumik aamma atugarissaarnikkut misissuinerit aammalu atuisut atugarissaarnerannut tunngasutigut misissuinerit kinaassuseq isertuullugu ingerlanneqarsinnaammata.

Ukioq 2015 naajartulermat Naalackersuisut apeqquteqaateqarfigaakka (§ 37 nr. 289/2015), Naalak-kersuisut arlaatigut namminersornerusut suliffeqarfiutaanni ulluklut unnuakkullu paaqqinniffinni sulisut atugarissaarnerata killiffiannik misissuitisisimanersut, imaluunniit atuisut ilaqutaasullu naammaginnissimaarnerannut tunngasutigut misissuisoqarsimanersoq. Sunaaffami misissuisoqarsi-manngitsoq.

Ilanngullugu aamma Naalackersuisut aperaakka, siunissami misissuinissanik taamaattunik pilersaartuteqarsimanersut.

Naalackersuisut akissuteqarnerminni ersersippaat ulluklut unnuakkullu paaqqinniffinni suliffeqarfittut aaqqissuusaanikkut inerisaasoqartoq, aammalu tassunga tunngatillugu suliniutaasoq najugaqartut ilaqutaasullu oqartussaaqataanerunissaat qulakkeerumallugu inerisaasoqartoq. Naalackersuisut akissuteqaateqarnerata nalaani suli aalajangersimangilaq, oqartussaaqataanerunissamik aaqqissuussinissaq qaquguklut atuutilissanersoq aammalu qanoq isikkoqassanersoq, taamaallaat ilalersorpaat, atugarissaarnikkut misissuinissaq periarfissat ilaattut atorneqarsinnaammata.

Naalackersuisuttaaq aamma ersersippaat, suliffiup aaqqissuusaanerata inerisarnera iluatsillugu eqqarsaatigineqarsinnaasoq, sulisut atugarissaarnikkut misissuiffigineqarnerat pitsaassutsimut uuttortaalluarsinnaasutut eqqarsaatigineqarsinnaammata. Naalackersuisut aamma tassunga tunngatillugu oqaatigivaat, Aningaasaqarnermut- Sulisoqarnermullu Aqutsisoqarfik, ikiuutaasinnaammata ulluklut unnuakkullu paaqqinniffinni atugarissaarnikkut misissuisoqarniarpat, taamaallaat piumasaqaatigalugu ikiuisoqassappat atuisut akiliunneqaqqullugit departementimiit imaluunniit paaqqinniffinniit.

Kissaatigaara apeqquteqaatiga ullut suliffiusut 10 ingerlanerani akineqassasoq.